

SA's Leading Past Year

Exam Paper Portal

S T U D Y

You have Downloaded, yet Another Great  
Resource to assist you with your Studies ☺

Thank You for Supporting SA Exam Papers

Your Leading Past Year Exam Paper Resource Portal

Visit us @ [www.saexamapers.co.za](http://www.saexamapers.co.za)



SA EXAM  
PAPERS



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

GIREIDI YA 12

TSHIVENDA LUAMBO LWA HAYANI (HL)

BAMMBIRI LA U THOMA (P1)

LARA 2019

TSUMBANDILA YA U MAKANA

MARAGA: 70

Tsumbandila iyi ya u maka i na masiatari a 9.

### KHA VHA PFESESE:

- Memorandamu uyu u tou vha tsumbandila fhedzi ya u thusa vhatoli/vhamaki.
- Ngauralo, a u tei u vha ambadzifhele nga wothe lini.
- Phindulo dza vhagudi dzi tea u sedzwa u ya nga vhukoni ho taniwaho kha phindulo yeneyo.
- Phindulo dzi tea u eliya nga u angaredza, nahone mbuno dzi newe ho teaho zwi tshi tevhedza maga o dzhiwaho kha mutangano wa ndinganyiso.
- Memorandamu uyu u do thoma wa dzulelwa dzulo nga vhothe vha kwameaho musi u tola/maka hu sa athu u thoma.

### KHETHEKANYO YA A: THOLOKANYONDIVHO

#### NDAELA KHA VHA<sup>Ł</sup>TOLI/VHAMAKI

##### Maga a u tola/maka tholokanyondivho:

- Ngauri ndivho i kha u pfectesa, mupeleto wo khakheaho na vhukhakhi ha luambo kha phindulo zwi songo newa ndatiso nga nnda ha musi vhukhakhi honoho vhu tshi thithisa kupfesesele/u shandula zwi ambwaho. (Honeha, vhukhakhi vhu di fanela u sumbedzwa.)
- Arali mulingiwa a shumisa maipfi a luambo luwe lune a sa khou lingwa khalwo, kha vha tsinye ito kha maipfi ayo, nahone arali phindulo i tshi kha di pfala, hu songo vha na ndatiso. Honeha, arali ipfi li bvaho kha luwe luambo lwo shumiswaho kha tshibveledzwa nahone la lavhelelwa kha phindulo, izwi zwi a tanganedzea.
- Kha mbudziso dzo vuleaho, a hu na maraga dzine dza fanela u avhelwa kha EE/HAI kana NDI A TENDA/A THI TENDI. Tshiitisi/Thikhedzo/thuthuwedzo ndi zwone zwine zwa fanela u sedziwa.
- A hu na maraga dzine dza tea u avhelwa phindulo dzi todaho NDI NGOHO/A SI NGOHO kana MBUNO/KUHUMBULELE. Tshiitisi/Thikhedzo/ thuthuwedzo ndi zwone zwine zwa fanela u sedziwa.
- Musi phindulo ya ipfi lithihi yo lavhelelwa, hone mulingiwa a nea fhungo lothe, kha a newe maraga; tenda fhedzi ipfi lo lavhelelaho la talelwa kana lo sumbedzwa.
- Musi mbuno mbili/tharu dzi tshi todowi, ngeno nnzhi dzo nekedzwa, kha vha make fhedzi mbili/tharu dza u thoma.
- Kha vha tanganedze u fhambana ha nyambotavhi.
- Kha mbudziso dza u nanga kha zwinzhi, kha vha tanganedze ZWOTHE, ledere li livhanaho na phindulo yone NA/KANA phindulo yo rwalwaho nga vhudalo.

**MBUDZISO YA 1: U VHALA U ITELA U WANA THALUTSHEDZO NA U PFEESA**

**PHINDULO: TSHIBVELEDZWA TSHA A**

1.1 Ndi ngauri riwana a tshi bebiwa u vha a si na tshine a divha/talukanya.✓ (1)

- 1.2 - Ndi u kondelela.  
- U vha na mbonelaphanda.  
- U khwathisa tshanda.  
- Mikhwa na milayo.

[Zwivhili fhedzi.]✓✓ (2)

- 1.3 - Ndi u kaidza riwana uri a si tambise zwishumiswa zwa mulilo.  
- Ndi u kaidza riwana uri a songo bambela hune ha vha na madi manzhi.

[Zwivhili fhedzi zwi pfalaho.]✓✓ (2)

- 1.4 - Ndi u gudisa riwana mikhwa yo teaho.✓  
- U tshila nga u vha tsumbo/tshivhoni mutani.✓ (2)

- 1.5 - U thogomela/vha na ndavha na khonani dzine riwana wau a tampa nadzo.  
- Vhabebi kha vha divhe khonani dza riwana/vhana vhavho.  
- Vha songo tendela riwana/vhana vha tshi ya madikitani a vhusiku.  
- Vhabebi kha vha divhe vhabebi vha khonani dza vhana vhavho.  
- U divha hune vhana vhavho vha tampa hone.

[Zwivhili fhedzi zwi pfalaho.]✓✓ (2)

- 1.6 Ndivho ya muñwali ndi u tsivhudza vhana uri vha songo tenda u langwa nga mitsiko ya dzikhonani/zwigwada/Vhabebi kha vha tsivhudze vhana kha zwikhukhulisi zwine vha nga tangana nazwo vhutshiloni.✓✓ (2)

- 1.7 Nwana u lulamiswa na u gudiswa kutshilele kwonekwone musi a tshee mutuku.✓✓ (2)

- 1.8 C/u tütuwedza vhushaka havhuđi vhukati ha mubebi na riwana. (1)

1.9	Mvelele ya musalauno/Tshikhuwa✓ Nwana o vhofholowa, u vhudza mubebi thaidzo (khaedu) dzawe/mubebi na riwana vha somolana zwa hanwani.✓	Mvelele ya musalaula/Tshivenda✓ Nwana ha ambi na mubebi nga ha thaidzo dzawe, u vhudza makhadzi kana muñwe muthu muhulwane a vha ene zhendedzi la mafhungo awe.✓ (4)
-----	---	---

- 1.10 - Ndo vha ndi tshi  $\ddot{d}$ o dzula fhasi na  $\dot{n}$ wana wanga nda mu kaidza.  
- Ndo vha ndi tshi  $\ddot{d}$ o mu sumbedza zwiito zwivhi zwe a  $\ddot{d}$ idzhenisa khazwo na masiandaitwa ane a nga  $\ddot{t}$ angana nao.  
- Ndo vha ndi tshi nga mu isa ha vhashumelavhapo uri vha lingedze u mu thusa kha u  $\ddot{d}$ ibvisa kha ayo maitele mavhi.  
- Ndo vha ndi tshi  $\ddot{d}$ o mu  $\ddot{t}odela$  vhatu vhahulwane vha mu $\ddot{t}$ a/vhafunzi/vhadededzi uri vha mu laye kha maitele awe a si avhu $\ddot{d}$ i.

[Maraga 3 kha mbuno tharu dici pfalaho.] ✓✓✓

(3)

### PHINDULO: TSHIBVELEDZWA TSHA B

- 1.11 Tshi ri gudisa uri mu $\ddot{t}$ a wo takalaho u  $\ddot{l}$ a wo $\ddot{t}$ he fhethu huthihi/Mu $\ddot{t}$ a kha u ite zwithu u fhethu huthihi. ✓✓

(2)

- 1.12 Ndi a takala $\ddot{v}$  musi ndi tshi vhona mu $\ddot{t}$ a wa vhatu vha  $\ddot{l}$ aho vho $\ddot{t}$ he vho takala. $\ddot{v}$

(2)

- 1.13 Ee, a a  $\ddot{t}$ anganedzea.

- Mu $\ddot{t}$ a u a kona u dzula wo $\ddot{t}$ he fhethu huthihi.
- Hu a fhatea vhushaka havhu $\ddot{d}$ i vhukati ha mirado ya muta.
- Vhana vha guda u amba vho vhofholowa na vhabebe vhavho.

### KANA

Hai, ha  $\ddot{t}$ anganedzei.

- Maitelé a Tshivenda ha tendi vhabebe vha tshi  $\ddot{l}$ a na vhana fhethu huthihi.
- Zwi ita uri vhana vha nyadze vhabebe.
- Vhana a vha koni u ita zwine vha funa vha tshi shavha vhabebe.
- Mufumakadzi ha  $\ddot{ne}$ i vhatu zwiliwa o ima.
- Muthu ha nwi/ $\ddot{l}$ i madi/zwiliwa o ima.

[Maraga 2 kha mbuno mbili dici pfalaho.] ✓✓

(2)

### PHINDULO: TSHIBVELEDZWA TSHA A NA B

- 1.14 Vhutumaní ndi ha uri zwibveledzwa zwe $\ddot{t}$ he zwi khou amba nga ha vhushaka vhune ha tea u vha hone mu $\ddot{t}$ ani. $\ddot{v}$  Kha mafhungo a **TSHIBVELEDZWA TSHA A**, hu khou bviselwa khagala vhudifhinduleli ha mubebi kha kualusele kwa  $\dot{n}$ wana, $\ddot{v}$  ngeno kha **TSHIBVELEDZWA TSHA B** ri tshi vhona mu $\ddot{t}$ a une wa sumbedza vhushaka havhu $\ddot{d}$ i vhukati ha vhabebe na vhana vhe fhethu huthihi. $\ddot{v}$

[Maraga 3 kha phindulo i pfalaho.]

(3)

**THANGANYELO YA KHETHEKANYO YA A:**

30

## KHETHEKANYO YA B: MANWELEDZO

### MBUDZISO YA 2: U NWELEDZA NGA MAIPFI ANU

Ndila ya u maka manweledzo:

Manweledzo a tea u makiwa nga ndila i tevhelaho:

- **Kuavelwe kwa maraga:**
  - Maraga dza 7 kha mbuno dza 7 (maraga 1 kha mbuno).
  - Maraga 3 ndi dza luambo.
  - Thanganyelo ya maraga: 10
- **Kuavelwe kwa maraga dza luambo musi mulingiwa a songo anulula/kopolola maipfi o tou ralo:**
  - Mbuno dza u bva kha 1–3 dzi re dzone: avhelani maraga 1
  - Mbuno dza u bva kha 4–5 dzi re dzone: avhelani maraga 2
  - Mbuno dza u bva kha 6–7 dzi re dzone: avhelani maraga 3
- **Kuavelwe kwa maraga dza luambo musi mulingiwa o anulula/kopolola maipfi o tou ralo:**
  - Khouthesheni dza u bva kha 6–7: ni songo avhela maraga dza luambo
  - Khouthesheni dza u bva kha 1–5: avhelani maraga 1 ya luambo

PFESESANI:

- **Tshivhalo tsha maipfi:**
  - Vhamaki vha tea u khwathisedza tshivhalo tsha maipfi o shumiswaho.
  - Vha songo tusa maraga arali mulingiwa a songo sumbedza tshivhalo tsha maipfi, kana arali tshivhalo tsha maipfi tsho sumbedzwaho tsho khakhea. Arali tshivhalo tsha maipfi tsho fhira, kha vha vhale u swika kha fhungo la u fhedzisa li re ntha ha tshivhalo tsho tetshelwaho, vha litshe ayo maiwe a manweledzo o salaho.

### PHINDULO: TSHIBVELEDZWA TSHA C

NO.	KHOUTHESHENI	NO	MBUNO
1	'Musi muthu o neta u tea u diambusa hu u itela u bvisa mabiko na u netulusa muvhili u itela uri khofhe dzi fare zwavhudi.'	1	Muthu kha tambe a sa athu u edela u itela u fara khofhe zwavhudi.
2	'Lufherani lwa u edela kha hu vhe fhethu ho dzikaho hu si na phosho uri muvhili u awele zwavhudi hu si na u khakhisea nga miungo ya radio, thelevishini kana lutingotheleki.'	2	Lufherani lwa u edela hu songo vha na phosho.

3	'Muthu u tea u edela tshifhinga tsho linganelaho tshine tsha anganyelwa henefha kha awara dza malo uri a vuwe muvhili wawe wo netuluwa.'	3	Tshifhinga tsho anganyelwaho tsha u edela ndi awara dzi swikaho henefha kha dza malo.
4	'U tanganedza lu <sup>tingo</sup> vhusiku muthu o edela zwi vhanga uru u dzhie tshifhinga u dovha hafhu wa farwa nga khofhe.'	4	U tanganedza lu <sup>tingo</sup> vhusiku zwi khakhisa khofhe.
5	'Zwiludi naho zwi zwavhudi muvhilini wa muthu, zwi tea u nwiwa tshifhinga tsha u edela tshi sa athu u swika ngauri zwi ita uri muthu a vuwe lu sa fheli a tshi ya u dithusa.'	5	Zwiludi zwi tea u nwiwa nga tshifhinga tsho teaho.
6	'Mishonga ya u thivhela khofhe a yo ngo vhuya ya fanywa u nwiwa ngauri i khakhisa kuedetshele kwavhudi.'	6	Mishonga ya u thivhela khofhe i songo nwiwa.
7	'Ndi zwa ndeme u tandulula thaidzo ye muthu a tangana nayo masiari musi a sa athu u edela ngauri zwa sa ralo u do fhedza tshifhinga tshilapfu a tshi khou humbulesa nga hayo.'	7	Muthu kha tandulule thaidzo musi a sa athu u edela.
8	'U edela ndi maitele avhudi a u awedza muvhili khathihi na muhumbulo.'	8	Muthu kha awedze muvhili na muhumbulo nga u edela.

## TSHIVHUMBEO TSHA PHARA

**PFESESANI:** Iyi i tou vha tsumbo; mulingiwa ha lavhelelwi u tou i bvisa yo tou ralo kokotolo lini.

U edela ndi tshithu tshavhudi, ndi ngazwo muthu a tshi fanela u tamba uri a fare khofhe zwavhudi. Lufherani lwawe hu songo vha na phosho nahone muthu u anganyelwa u edela awara dza henefha kha malo. U tangadedza lu<sup>tingo</sup> vhusiku zwi a mu na u nwa zwiludi na mishonga ya u thivhela khofhe musi a sa athu ya u edela khakhisa khofhe. Hone thaidzo dza masiari kha dzi tandululwe muthu a sa athu u edela u itela uri a kone edela khofhe dzavhudi. Muthu kha awedze muvhili na muhumbulo nga u edela

[Maipfi a 92]

THANGANYELO YA KHETHEKANYO YA B: 10

## KHETHEKANYO YA C: ZWIVHUMBEO NA MILAYO YA KUSHUMISELE KWA LUAMBO

### Maga a u ḫola/maka

- Mupeleto:
  - Phindulo ya ipfi ḫithihi i tea u ḫewa maraga naho mupeleto wo khakhea, nga nnda ha musi vhukhakhi uho vhu tshi shandukisa ḫalutshedzo ya ipfi lenelo.
  - Kha phindulo ya fhungo ḫo ḫalaho, vhukhakhi ha mupeleto vhu tea u ḫewa ndatiso arali vhu kha tshivhumbeo tsha luambo lwonolwo lu lingiwaho ngalwo.
  - Hune ha lingiwa pfufhifhadzo ya ipfi (aburivesheni), phindulo i tea u ḫewa i kha mupeleto wonewone.
- Zwivhumbeo zwa mafhungo zwi tea u vha zwi kha ḫivhafhungo/girama yoneyone, nahone yo ḫewa i kha mafhungo o fhelelaho/kana sa zwi ananaho na ndaela.
- Kha mbudziso dza munangelo, kha vha ḫanganedze ZWOTHE, ledere li tshimbilelanaho na phindulo yone NA/KANA phindulo yo ḫwalwaho nga vhuḍalo.

### MBUDZISO YA 3: U SENGULUSA KHUNGEDZELO

#### PHINDULO: TSHIBVELEDZWA TSHA D

- 3.1 Ndi tshikili tsha u gudisa u lugisa/maga goloi,✓ ngauri kha tshifanyiso hu vhonala goloi ine ya khou lugiswa/magiwa. ✓ (2)
- 3.2 Mulaedza ndi wa uri vha gudisa nga ndila ine a hu na tshine muthu a do sala a sa tshi ḫivhi nga ha u lugisa/maga goloi/Vha gudisa vho ḫimisela nahone nga ndila i sa shaedziho na khathihi.
- [Na zwiñwevho zwi pfalaho.]✓✓ (2)
- 3.3 Ndi khephusheni/ndi fonto khulwane/madanzi.✓ I khou shuma u kunga vhataleli uri vha ye u guda u lugisa/maga goloi.✓ (2)
- 3.4 B/vhagudisi vha hone vha na ḫivho yo dziaho vhukuma.✓ (1)
- 3.5 Ee. Ndi ralo ngauri:
  - Vhunzhi ha avha vhashumi vha vhonala afha ndi vhaswa.
  - Vhaswa vha dzhenelela kha ndowetshumo dza vhuinzhiniara vha nga vhuelwa vhukuma nga u wana zwikhala zwa mushumo.
  - Vhaswa vha tsha di vhaho na nungo na ndalukanyo dzo teaho ndi/vha nga vha tshiko tshihulwane tsha ikonomi shangoni.

[Arali mulingiwa a da na kuhumbulele kwo fhambanaho na ukwu, vhamaki/vha $\ddot{\text{a}}$ oli kha vha sedzuluse vha avhele maraga ho teaho.]

[Maraga 3 kha mbuno tharu dzi pfalaho.] ✓✓✓

(3)  
[10]

#### MBUDZISO YA 4: KHATHUNI

##### PHINDULU: TSHIBVELEDZWA TSHA E

- 4.1 Ndi guda uri tshikoloni kha ri dikumedzele kha mishumo yashu ya tshikolo/U zwifha a si zwavhu $\ddot{\text{d}}$ i.

[Kana zwinwevho zwi pfalaho.] ✓ (1)

- 4.2 U sumbedza o dinalea/sinyuwa.✓ (1)

- 4.3 Kha fureme ya 1, vhana vho tou didzhenisa tsho $\ddot{\text{t}}$ he kha zwa pfunzo zwine zwa vha zwo lavhelelwha tshikoloni/ ngeno kha fureme ya 3 vhana vha khou vhangisana/lwela thambo ine vha khou i shumisa henefho kilasini, zwine zwa vha zwiito zwo bvaho tshikoloni/zwi sa takadzi/zwi sa tanganedzei.✓ (2)

- 4.4 C/lisalavhunzhi.✓ (1)

- 4.5 Hu khou taniwa vhudifhinduleli ha vhana vhane vha kona u digudisa nga vhone vha $\ddot{\text{n}}$ e/U dikumedzela tsho $\ddot{\text{t}}$ he kha mushumo wa tshikolo.✓✓ (2)

- 4.6 - Vhagudi/vhana vha litshe zwa u lwa/semana kilasini.  
- Zwikoloni kha hu vhe na milayo yo khwath $\ddot{\text{a}}$ haho i langaho vhudifari ha vhana.  
- Vhana vha tea u dinekedzela mishumoni yavho ya tshikolo.  
- Muthu a tshi $\ddot{\text{t}}$ oda tshithu kha tou humbelia.

[Zwiraru fhedzi zwi pfalaho.] ✓✓✓ (3)  
[10]

## MBUDZISO YA 5: KUSHUMISELE KWA LUAMBO NGA NDILA YONE

### PHINDULO: TSHIBVELEDZWA TSHA F

- 5.1 Vhulimi ndi hone ho faraho ikonomi ya shango lashu. ✓  
Zwilīwa zwa makhadzi wanga two liwa nga zwivhungu. ✓ (2)
- 5.2 Muanalo zwilīwa zwawe two vha zwi tshi tou titima vhukuma ngauri/vhungav o vha e na tshomedzo dzothē dzo teaho mushumo uyo. ✓ (2)
- 5.3 U do vha thut̄huwedzo khulwane kha vha thangana yawe/O vha thut̄huwedzo khulwane kha vha no do vha thangana yawe. ✓ (1)
- 5.4 Isani.✓Vhabebi isani vhana zwikoloni.✓ (2)
- 5.5 Duvha la tshivhidzo vhamusanda vho vha vha songo takala.✓ (1)
- 5.6 Lī nga shandukisa kuhumbulele kwa vhaswa vhanē vha dzhia vhulimi u mushumo wa fhasi/u sa dzi/u sa pfumisi lune vha nga mbo di thoma u tevhela/takalela budo ili/dzhia budo la vhulimi li la ndeme vhutshiloni/Vhaswa vha tea u dzhieala nthā vhulimi vhunga na wone u mushumo u dzhenisaho masheleni manzhi./
- [Maraga 2 kha muhumbulo u pfalaho.]✓✓ (2)  
[10]

THANGANYELO YA KHETHEKANYO YA C: 30  
MARAGAGUTE: 70